

張垂芳陽城人有義行萬曆間以輸賑旌表

秦一清鳳臺諸生事大父父母以孝聞時有家難悉賴調維
母喪哀毀盡禮朔望必至墓展拜事繼母撫異母弟人無

間言

按孝子傳
作沁水人

孟瀚自祖林至姪霓五世同居財無私蓄庭無間言人高其

義

朱充煙明宗室輔國中尉孝友雅飭焚券賑粟施惠三十載

瘞骼千餘又有仕塿成錕聰濂

一作
凍

俊昶充俊俱以孝義

旌表賑荒勤學皆稱賢王孫云

姬國瑞高平諸生撫弟國珮有恩意比歿珮撫其子顯庭亦
如之會水漲珮挈孤姪跨馬疾馳而聽二子徒涉曰義不
得以吾子先兄子竟兩全焉顯庭舉鄉薦不仕隱于醫